



Na osnovu Odluke Centralne izborne komisije Bosne i Hercegovine broj: 07-2-16-3-433-1/24 од 04.04.2024.godine, raspisuje se

**JAVNI OGLAS**  
**za prikupljanje ponuda za prodaju i uništenje dijela bezvrijedne registraturne građe**  
**Centralne izborne komisije Bosne i Hercegovine**

(1) Predmet javnog oglasa je prikupljanje zatvorenih pisanih ponuda za izbor najpovoljnijeg ponuđača za prodaju i uništenje bezvrijedne registraturne građe Centralne izborne komisije Bosne i Hercegovine.

(2) Opis predmeta:

- a) obojeni papir približno 94,8 tona (glasački listići, kancelarijski papir i blok papir),
- b) plastične vreće približno 7 tona (u kojima je papir pod tačkom a),
- c) karton-kartonska ambalaža približno 3,5 tona (u kojima je materijal pod tačkom a) i b),
- d) neiskorišteni papir sa zaštitom za štampanje glasačkih listića približno 52,2 tone i
- e) ostali papir (rezanci od glasačkih listića, koverte, kancelarijski papir) približno 9,2 tone.

*Napomena:* papir iz tačke a), d) i e), plastične vreće iz tačke b) i tačke c) se preuzimaju, odvoze i uništavaju od strane osoblja ponuđača.

(3) Početna cijena materijala iz stava (2) ovog oglasa iznosi:

- a) obojeni papir u iznosu od 300,00 KM,
- b) plastične vreće u iznosu od 350,00 KM,
- c) karton u iznosu od 120,00 KM,
- d) čisti papir (neiskorišteni papir za štampanje glasačkih listića) u iznosu od 350 KM
- e) ostali papir u iznosu od 300,00 KM.

Ponuđač je obavezan dostaviti ponudu koja obuhvata cijenu za svaku pojedinu stavku, a koja nije niža od utvrđene početne cijene pojedine stavke iz stava (3).

(4) Bezvrijednu registraturnu građu koja je predmet prodaje ponuđač je obavezan pogledati. Pregled se može izvršiti svakim radnim danom od dana objave do krajnjeg datuma za dostavu ponuda, u periodu od 10:00 časova do 14:00 časova u Ulici Kasindolskog bataljona broj 34 Istočno Sarajevo uz prethodnu telefonsku najavu prodavcu na tel. 066/004-800.

(5) Predmetna sredstva prodaju se u „viđenom stanju“, te se naknadne reklamacije neće uvažavati.

(6) Pravo učešća imaju sva pravna lica koja su ovlaštena za vršenje otkupa i prometa starog papira.

(7) Ponuda treba sadržavati:

- tačan naziv i adresu ponuđača, broj telefona, telefaksa, e-mail (ako posjeduje), podatke o kontakt licu,
- ovjerenu kopiju akta o registraciji preduzeća,

- izjavu ponuđača da nije predmet postupka za proglašenje stečaja, odnosno da nije pod stečajem ili likvidacijom; izjavu da se ne vodi postupak zbog neplaćanja poreza ili doprinosa za socijalno osiguranje;
- ukupnu cijenu za papir, plastične vreće i karton po toni, sa iskazanom vrijednosti PDV-a i način i uvjete plaćanja.

(8) Svi ponuđači su dužni na protokol Centralne izborne komisije BiH, Ulica Danijela Ozme broj 7, 71 000 Sarajevo, položiti kauciju u iznosu od 300,00 KM. U slučaju da ponuđač koji dostavi najpovoljniju ponudu za kupovinu papira, odustane od kupnje, uplaćeni iznos se ne vraća i služi za troškove ponovnog oglašavanja. Ostalim ponuđačima uplaćeni iznos biće vraćen.

(9) Prijave za učešće po ovom oglasu dostaviti u zatvorenim kovertama na adresu: Centralne izborne komisije BiH, Ulica Danijela Ozme br. 7, 71000 Sarajevo, sa naznakom „Ponuda po javnom nadmetanju za prodaju dijela bezvrijedne registratorske građe Centralne izborne komisije BiH–ne otvarati“.

U obzir će se uzeti samo ponude koje bez obzira na način dostave (lično ili poštom) budu zaprimljene u pisarnici Centralne izborne komisije BiH **do 19.04.2024. godine do 14,00 sati.**

(10) Javno otvaranje koverata izvršit će komisija dana **19.04.2024. godine u 14,15 sati** u zgradi Centralne izborne komisije BiH, Ulica Danijela Ozme br. 7 Sarajevo.

(11) Ocjenjivanje ponuda izvršit će se na osnovu iskazane ukupne cijene. **Kriterij dodjele ugovora je najviša ukupna cijena tehnički zadovoljavajuće ponude.**

U slučaju da pristignu dvije ili više ponuda sa istom cijenom komisija će odabrati ponuđača koji je ranije dostavio ponudu po datumu i vremenu prijemnog štambilja protokola Centralne izborne komisije BiH.

I u slučaju da tehnički zadovoljavajuću ponudu dostavi samo jedan ponuđač, zaključit će se ugovor o prodaji bezvrijedne registraturne građe Centralne izborne komisije BiH.

(12) Sa odabranim ponuđačem Centralna izborna komisija BiH će zaključiti kupoprodajni ugovor u roku od dva dana nakon donošenja odluke o dodjeli ugovora.

Kupac je obavezan preuzeti kupljena sredstva u roku od trideset dana od dana potpisivanja ugovora sa prikazanim izvaganim količinama i snosi sve troškove u vezi s prometom bezvrijedne registraturne građe Centralne izborne komisije BiH.

(13) Odabrani ponuđač je obavezan prikazat izvaganu količinu svake odvezene količine iz skladišta Centralne izborne komisije BiH.

(14) Centralna izborna komisija BiH zadržava pravo prihvatanja ili odbijanja ponude, obustavljanja ili poništenja postupka po javnom oglasu u bilo kojoj fazi do trenutka donošenja odluke o izboru najpovoljnijeg ponuđača.

(15) Sve ostale dodatne informacije možete dobiti na telefon 033/251-349.

**Komisija za prodaju i uništenje bezvrijedne registratorske građe Centralne izborne komisije BiH.**